

BIBLIA SACRA  
JUXTA  
VULGATAM CLEMENTINAM

*EDITIO ELECTRONICA*

*PLURIMIS CONSULTIS EDITIONIBUS DILIGENTER PRÆPARATA*

A

MICHAEL TVEEDALE

CUI BENIGNISSIME AUXILIATI SUNT

MILA BOZOVIC, MARGARITA BURGHART, RONALDUS CONTE,  
MICHAEL DUBIAGA, R. P. JOANNES FINNEGAN, ALUNDIS INSENSATE,  
EDUARDUS KOTSKI, BERTRAND MICHELET, MICHAEL MORBACH,  
RICARDUS URQUHART, ANDREJA VASILJEVIC, ET EDGARDUS VREULS

LONDINI · MMV

The Bishops' Conference of England and Wales gives its approval to the publication of *Biblia Sacra juxta Vulgatam Clementinam*.

**Published with approbation.**  
**CBCEW, 9th January 2006.**

## INDEX GENERALIS

## NOVUM TESTAMENTUM

	pag.		pag.
Præfatio hujus editionis . . . . .	iv	Matthæus . . . . .	592
Decreta Concilii Tridentini . . . . .	v	Marcus . . . . .	609
Constitutio Clementis VIII . . . . .	vi	Lucas . . . . .	619
Præfatio ad lectorem officialis . . . . .	vii	Joannes . . . . .	637
ANTICUUM TESTAMENTUM			
Genesis . . . . .	1	Actus Apostolorum . . . . .	650
Exodus . . . . .	26	Ad Romanos . . . . .	667
Leviticus . . . . .	46	Ad Corinthios I . . . . .	674
Numeri . . . . .	60	Ad Corinthios II . . . . .	681
Deuteronomium . . . . .	80	Ad Galatas . . . . .	686
Josue . . . . .	99	Ad Ephesios . . . . .	689
Judicum . . . . .	111	Ad Philipenses . . . . .	692
Ruth . . . . .	124	Ad Colossenses . . . . .	694
Regum I . . . . .	126	Ad Thessalonicenses I . . . . .	696
Regum II . . . . .	143	Ad Thessalonicenses II . . . . .	698
Regum III . . . . .	158	Ad Timotheum I . . . . .	699
Regum IV . . . . .	174	Ad Timotheum II . . . . .	701
Paralipomenon I . . . . .	189	Ad Titum . . . . .	703
Paralipomenon II . . . . .	203	Ad Philemonem . . . . .	704
Esdrae . . . . .	221	Ad Hebreos . . . . .	705
Nehemias . . . . .	226	Jacobi . . . . .	710
Tobiae . . . . .	233	Petri I . . . . .	712
Judith . . . . .	239	Petri II . . . . .	714
Esther . . . . .	246	Joannis I . . . . .	716
Job . . . . .	252	Joannis II . . . . .	718
Psalmi . . . . .	272	Joannis III . . . . .	718
Proverbia . . . . .	323	Jude . . . . .	719
Ecclesiastes . . . . .	340	Apocalypsis . . . . .	720
Canticum Canticorum . . . . .	347		
Sapientia . . . . .	351		
Ecclesiasticus . . . . .	363		
Isaias . . . . .	396		
Jeremias . . . . .	436		
Lamentationes . . . . .	477		
Baruch . . . . .	482		
Ezechiel . . . . .	487		
Daniel . . . . .	519		
Osee . . . . .	530		
Joel . . . . .	536		
Amos . . . . .	539		
Abdias . . . . .	544		
Jonas . . . . .	545		
Michæa . . . . .	546		
Nahum . . . . .	550		
Habacuc . . . . .	552		
Sophonias . . . . .	554		
Aggæus . . . . .	556		
Zacharias . . . . .	558		
Malachias . . . . .	563		
Machabæorum I . . . . .	565		
Machabæorum II . . . . .	581		

## PRÆFATIO HUJUS EDITIONIS

Clementis Papæ viii nomen casu Vulgatae adhæret. Hæc enim sanctorum Scripturarum editio, cum Sexto v regnante patrata fuisset, illo mortuo tandem sub Clementis pontificatu publicata est. Attamen vere decet ut iste Clemens, cum sit institutorum Concilii Tridentini æmuli exemplar, hoc bonum ejusdem Synodus fructum perficiat.

Sapientissimo fretus consilio S. Philippi Nerii, Sancti Spiritus caritate exæstuantibus, ad ecclesiasticam disciplinam reparandam, et errores corruptelasque extirpandas, indefesse laboravit ; et pro Ecclesiæ libertate acriter pugnavit. Tantus autem Clemens fidem catholicam tutus est opere et sermone, quantum et ipsius Vulgata revelationem Dei ab imminentibus periculis custodivit.

Hieronymi enim Doctoris maximi ex lingua hebræa translatione, ita per nongentos annos fruiti sunt doctissimi Ecclesiæ filii, ut ceteræ translationes latinæ pene evanuissent : illius autem innumerabilibus vicibus descriptæ, « tot fuisse exemplaria, quot codices ». Quando ergo Lutherus flagitiosa rebellione ab Ecclesia descivit, hac confusione abusus est ut verba Evangelii corrumperet, et suam falsam doctrinam defenderer. Quam ob causam opus erat ut authenticæ divinarum Scripturarum editio, diligenter emendata atque castigata, imprimetur cum plena Apostolicæ Sedis auctoritate ; sacrosanta itaque Tridentina Synodus, Spiritu Sancto gubernante, hoc jussit, et ab ea jussum, a Clemente viii est consummatum.

Porro xx saeculo incipiente, antiquissimis jam alteris manuscriptoris aliunde inventis, ut Bibliae editionem puram accuratamque Ecclesia semper haberet sollicitus, Sanctus Pius x Commissioni Pontificiae de re biblica mandavit ut pristinam Hieronymi versionem, quantum fieri potuit, componeret. Primo Card. Gasquet, deinde D. Henrico Quentin, hoc onus delegatum est. Novissime, defunctis illis, Abbatia Pontificia S. Hieronymi a Pio xi Romæ fundata est, ut monachi Benedictini artis criticæ peritissimi ibi opus emolirentur. Singulis deinceps annuentibus Papis, minutim sancti libri emittebantur, et postremo anno salutis MCMXCVIII Biblia tota perfecta est.

Interim, eheu, interveniebant eventus infelices apud Ecclesiam. S. Pius x voluerat constabiliri translationem pristinam S. Hieronymi ut exinde conjectura esset Vulgata ad usum Ecclesiæ quam accuratissime repurgata ; sed illius voluntatem parvipedentes, malebant viri tumidi translationem novam secundum gustus proprios facere, interpretationem vero Hieronymi negligere omnino. Quin etiam ætate nostra, errores illi pessimi, quos idem Pius vehementissime condemnavit, Ecclesiam Dei aperte infestant, et Lutherus dimidium errorum coæqualum nostrorum non cogitavit. Oportet nos igitur Vulgatam Clementinam fideliter amplexari donec, omnibus instauratis in Christo, pii x propositum demum efficiatur.

*Scribebam Londini, in festo D. N. J. C. Regis,  
31 Octobris 2004.*

**Ex CONCILIO TRIDENTINO, SESS. 4**  
*8 aprilis 1546*

**DECRETUM DE CANONICIS SCRIPTURIS**

Sacrosancta cœcumenica et generalis Tridentina Synodus, in Spiritu Sancto legitime congregata, præsidentibus in ea eisdem tribus Apostolicæ Sedis legatis, hoc sibi perpetuo ante oculos proponens, ut, sublati erroribus, puritas ipsa Evangelii in Ecclesia conservetur : quod promissum ante per prophetas in Scripturis sanctis, Dominus noster Jesus Christus, Dei Filius, proprio ore primum promulgavit, deinde per suos apostolos, tamquam fontem omnis et salutaris veritatis et morum discipline, omni creatura prædicari jussit : perspiciensque hanc veritatem et disciplinam contineri in libris scriptis et sine scripto traditionibus, quæ ab ipsis Christi ore ab apostolis acceptæ, aut ab ipsis apostolis Spiritu Sancto dictante, quasi per manus traditæ, ad nos usque pervenerunt : orthodoxorum Patrum exempla secuta, omnes libros tam Veteris quam Novi Testamenti, cum utriusque unus Deus sit auctor, nec non traditiones ipsas, tum ad fidem, tum ad mores pertinentes, tamquam vel orentus a Christo, vel a Spiritu Sancto dictatas, et continua successione in Ecclesia catholica conservatas, pari pietatis affectu ac reverentia suscepit ac veneratur.

Sacrorum vero librorum indicem huic decreto ascribendum censuit, ne cui dubitatio suboritur possit, quinam sint, qui ab ipsa Synodo suscipiuntur. Sunt vero infrascripti :

Testamenti Veteris : quinque Moysi, id est Genesis, Exodus, Leviticus, Numeri, Deuteronomium ; Josue, Judicum, Ruth, quatuor Regum, duo Paralipomenon, Esdræ primus et secundus, qui dicitur Nehemias, Tobias, Judith, Esther, Job, Psalterium Davidicum centum quinquaginta psalmorum, Parabolæ, Ecclesiastes, Canticum Canticorum, Sapientia, Ecclesiasticus, Isaías, Jeremias cum Baruch, Ezechiel, Daniel, duodecim prophetæ minores, id est : Osee, Joël, Amos, Abdias, Jonas, Michæas, Nahum, Habacuc, Sophonias, Agæus, Zacharias, Malachias ; duo Machabæorum, primus et secundus.

Testamenti Novi : quatuor Evangelia, secundum Matthæum, Marcum, Lucam, Ioannem ; Actus Apostolorum a Luca Evangelista conscripti ; quatuordecim epistolæ Pauli Apostoli : ad Romanos, duas ad Corinthios, ad Galatas, ad Ephesios, ad Philippenses, ad Colossenses, duas ad ThessalonICENSES, duas ad Timotheum, ad Titum, ad Philemonem, ad Hebreos ; Petri Apostoli duas ; Joannis Apostoli tres ; Jacobi Apostoli una ; Iudeæ Apostoli una et Apocalypsis Joannis Apostoli.

Si quis autem libros ipsos integros cum omnibus suis partibus, prout in Ecclesia catholica legi consueverunt, et in veteri Vulgata latina editione habentur, pro sacris et canonicas non suscepit, et traditiones prædictas sciens et prudens contempserit, anathema sit.

**DECRETUM DE EDITIONE ET USU SACRORUM LIBRORUM**

Insuper eadem sacrosancta Synodus, considerans non pa- rum utilitatis accedere posse Ecclesie Dei, si ex omnibus latinis editionibus, que circumferuntur sacrorum librorum, quæ nam pro authenticâ habenda sit, innotescat : statuit et declarat, ut hæc ipsa vetus et Vulgata editio, que longo tot sæculorum usu in ipsa Ecclesia probata est, in publicis lectionibus, disputationibus, prædicationibus et expositionibus pro authenticâ habeatur, ut nemo illam rejicere quovis prætextu audeat vel præsumat.

Præterea ad coërcenda petulantia ingenia decernit, ut nemo, suæ prudentiæ innixus, in rebus fidei et morum ad ædificationem doctrinæ christianæ pertinentium, sacram Scripturam ad suos sensus contorquens, contra eum sensum, quem tenuit et tenet sancta mater Ecclesia, cujus est judicare de vero sensu et interpretatione Scripturarum sanctarum, aut etiam contra unanimen consensem Patrum, ipsam Scripturam sacram interpretari audeat, etiamsi hujusmodi interpretationes nullo umquam tempore in lucem edendæ forent. Qui contravenerint, per Ordinarios declarantur, et penis a jure statutis puniantur.

Sed et impressoribus modum in hac parte, ut par est, imponere volens, qui jam sine modo, hoc est putantes sibi licere, quidquid libet, sine licentia superiorum ecclesiastico-rum, ipsos sacras Scripturæ libros, et super illis annotationes et expositiones quorūlibet indifferenter, saepè tacito, saepe etiam ementiti prelo, et quod gravius est, sine nomine auctoris imprimit, alibi etiam impressos libros hujusmodi temere venales habent : decernit et statuit, ut posthac sacra Scriptura, potissimum vero hæc ipsa vetus et Vulgata editio, quam emendatissime imprimatur, nullique liceat imprimere, vel imprimi facere, quovis libros de rebus sacris sine nomine auctoris, neque illos in futurum vendere, aut etiam apud se retinere, nisi primum examinati probatique fuerint ab Ordinario, sub pena anathematis et pecuniæ in canone Concilii novissimi Lateranensis apposita. Et si regulares fuerint, ultra examinationem et probationem hujusmodi, li- centiam quoque a suis superioribus impetrare teneantur, recognitis per eos libris, iuxta formam suarum ordinacionum. Qui autem scripto eos communicant, vel evulgant, nisi ante examinati probatique fuerint, eisdem penüs subjaceant, quibus impressores. Et qui eos habuerint vel legerint, nisi proiderint auctorem, pro auctoriibus habeantur. Ipsa vero hujusmodi librorum probatio in scriptis detur, atque ideo in fronte libri vel scripti vel impressi authenticæ appareat ; idque totum, hoc est, et probatio et examen, gratis fiat, ut probanda probentur et reprobanda improbanda.

Post hæc temeritatem illam reprimere volens, qua ad profana quæque convertuntur et torquentur verba et sententiae sacrae Scripturæ, ad scurrilia scilicet, fabulosa,vana, adulatio-nes, detractiones, superstitiones, impias et diabolicas incantationes, divinationes, sortes, libellos etiam famosos, mandat et præcipit, ad tollendam hujusmodi irreverentiam et contemptum, et ne de cetero quisquam quomodolibet verba Scripturæ sacrae ad hæc et similia audeat usurpare, ut omnes hujus generis homines, temeratores et violatores verbi Dei, juris et arbitrii penüs per Episcopos coërcantur.

## CLEMENS PAPA VIII AD PERPETUAM REI MEMORIAM

Cum sacrorum Bibliorum Vulgatae editionis textus summis laboribus ac vigiliis restitutus, et quam accuratissime mendis expurgatus, benedicente Domino, ex nostra typographia Vaticana in lucem prodeat ; Nos, ut in posterum idem textus incorruptus, ut decet, conservetur, opportune providere volentes, auctoritate apostolica, tenore praesentium districtius inhibemus, ne intra decem annos a data praesentium numerandos, tam circa quam ultra montes, alibi quam in nostra Vaticana typographia, a quoquam imprimatur. Elapso autem praefato decennio, eam cautionem adhiberi precipimus, ut nemo hanc sanctorum Scripturarum editionem typis mandare præsumat, nisi habito prius exemplari in typographia Vaticana excuso : cuius exemplaris forma, ne minima quidem particula de textu mutata, addita, vel ab eo detracta, nisi aliquid occurrat, quod typographicæ incuriae manifeste ascribendum sit, inviolabiliter observetur.

Si quis vero typographus in quibuscumque regnis, civitatibus, provinciis, et locis tam nostræ et S. R. E. ditioni in temporalibus subjectis, quam non subjectis, hanc eamdem sacrum Scripturarum editionem intra decennium prædictum quoquo modo, elapso autem decennio, aliter quam juxta hujusmodi exemplar, ut præfertur, imprimere, vendere, venales habere, aut alias edere vel evulgare : aut si quis bibliopola a se vel ab aliis quibusvis, post datam praesentium, hujus editionis impressos libros, seu imprimendos a praefato restituere et correcto textu in aliquo discrepantes, seu ab alio, quam a typographo Vaticano, intra decennium excusos, pariter vendere, venales proponere, vel evulgare præsumperit, ultra amissionem omnium librorum, et alias arbitrio nostro infligendas penas temporales, etiam majoris excommunicationis sententiam eo ipso incurrat : a qua nisi a Romano Pontifice, præterquam in mortis articulo constitutus, absolvitur non possit.

Mandamus itaque universis et singulis, Patriarchis, Archiepiscopis, Episcopis, ceterisque Ecclesiarum et locorum, etiam regularium Praelatis, ut presentes litteras in suis quisque Ecclesie et jurisdictionibus ab omnibus inviolate perpetuo observari curent ac faciant. Contradictores per censuras ecclesiasticas, aliaque opportuna juris et facti remedia, appellatione postposita, compescendo, invocato etiam ad hoc, si opus fuerit, auxilio brachii secularis ; non obstantibus constitutionibus, et ordinationibus apostolicis, ac in generalibus, provincialibus, vel synodalibus Concilii editis generalibus, vel specialibus, ac quarumcumque Ecclesiarum, Ordinum, Congregationum, Collegiorum atque Universitatum, etiam studiorum generalium juramento, confirmatione apostolica, vel quavis firmitate alia roboratis, statutis, et consuetudinibus, ac privilegiis, indultis, ac litteris apostolicis in contrarium quomodocumque emanatis, et emanandis : quibus omnibus ad hunc effectum latissime derogamus, ac derogatum esse decernimus. Volumus autem, ut praesentium trans sumptis etiam in ipsis voluminibus impressis eadem, in judicio et extra, fides ubique adhibeatur, quae ipsis praesentibus adhiberetur, si forent exhibite, vel ostense.

Datum Romæ, apud Sanctum Petrum sub Annulo Piscatoris, die ix novembris MDXCII, Pont. Nostri anno I.  
M. VESTRIUS BARBIANUS

## PRÆFATIO AD LECTOREM

*ex editione vaticana anni 1592*

In multis magnisque beneficiis, quæ per sacram Tridentinam Synodus Ecclesiæ sua Deus contulit, id in primis numerandum videtur, quod inter tot latinis editiones divinarum Scripturarum, solam veterem ac Vulgatam, quæ longo tot seculorum usu in Ecclesia probata fuerat, gravissimo Decreto authenticam declaravit. Nam, ut illud omittamus, quod ex recentibus editionibus non paucæ ad haereses hujus temporis confirmandas licenter detorcat videbantur : ipsa certa tanta versionum varietas, atque diversitas magnam in Ecclesia Dei confusionem parere potuisse. Jam enim hac nostra ætate illud fere evenisse constat, quod sanctus Hieronymus tempore suo accidisse testatus est, tot scilicet fuisse exemplaria, quod codices ; cum unusquisque pro arbitrio suo adderet, vel detraharet.

Hujus autem veteris ac Vulgatae editionis tanta semper fuit auctoritas, tamque excellens præstantia, ut eam ceteris omnibus latinis editionibus longe anteferendam esse, apud aequos judices in dubium revocari non posset. Qui namque in ea libri continentur (ut a majoribus nostris quasi per manus traditum nobis est) partim ex sancti Hieronymi translatione, vel emendatione suspecti sunt ; partim reteniti ex antiquissima quadam editione latina, quam sanctus Hieronymus communem et Vulgatam, sanctus Augustinus Italam, sanctus Gregorius Veterem translationem appellat.

Ac de Veteris quidem hujus, sive Italæ editionis sinceritate atque præstantia præclarum sancti Augustini testimonium existat in secundo libro *De doctrina christiana*, ubi latinis omnibus editionibus, qua tunc plurimæ circumferebantur, Italam præferendam censuit, quod esset, ut ipse loquitur, verborum tenacior cum perspicuitate sententiae. De sancto vero Hieronymo multa extant veterum Patrum egregia testimonia : eum enim sanctus Augustinus hominem doctissimum, ac trium linguarum peritissimum vocat, atque ejus translationem ipsums quoque hebraeorum testimonio veracem esse confirmat. Eudem sanctus Gregorius ita prædicat, ut ejus translationem, quam novam appellat, ex hebreo eloquio cuncta verius transfigurare dicat : atque idcirco dignissimam esse, cui fides in omnibus habeatur. Sanctus autem Isidorus non una in loco Hieronymianam versionem ceteris omnibus anteponit, eamque ab ecclesiis christianis communiter recipi ac probari affirmat, quod sit in verbis clarior, et veracior in sententiis. Sophronius quoque, vir eruditissimus, sancti Hieronymi translationem non latinis modo, sed etiam græcis valde probari animadvertisens, tanti eam fecit, ut psalterium et prophetas ex Hieronymi versione in græcum eleganti sermone transtulerit. Porro qui secuti sunt, viri doctissimi, Remigius, Beda, Rabanus, Haymo, Anselmus, Petrus Damiani, Richardus, Hugo, Bernardus, Rupertus, Petrus Lombardus, Alexander, Albertus, Thomas, Bonaventura, ceterique omnes, qui his nongentis annis in Ecclesia floruerunt, sancti Hieronymi versione ita sunt usi, ut ceteræ, quæ ne innumerabiles erant, quasi lapsæ de manibus theologorum, penitus obsoleverint. Quare non immerito catholica Ecclesia sanctum Hieronymum doctorem maximum, atque ad Scripturas sacras interpretandas divinitus excitatum ita celebrat, ut jam difficile non sit illorum omnium damnare judicium, qui vel tam eximi doctoris lucubrationibus non acquiescunt, vel etiam meliora, aut certe paria præstare se posse confidunt.

Ceterum ne tam fidelis translatio, tamque in omnes partes Ecclesiæ utilis, vel injuria temporum, vel impressorum incuria, vel temere emendantum audacia, ulla ex parte corrumperetur, eadem sacrosancta Synodus Tridentina illud Decre-

to suo sapienter adjecit, ut hæc ipsa vetus ac Vulgata editio emendatissime, quoad fieri posset, imprimeretur : neque ulli liceret eam sine facultate et approbatione superiorum excudere. Quo Decreto simul typographorum temeritati ac licentiae modum imposuit, et pastorum Ecclesiæ in tanto bono quam diligentissime retinendo, et conservando, vigilantium, atque industriam excitavit.

Et quamvis insignium Academiarum Theologi in editione Vulgata pristino suo nitori restituenda magna cum laude laborarent ; quia tamen in tanta re nulla potest esse nimia diligentia, et codices manuscriptorum complures et vetustiores Summi Pontificis jussu conquisi, atque in Urbem advecti erant ; et demum, quoniam executio generalium Conciliorum, et ipsa Scripturarum integritas ac puritas ad curam Apostolicæ Sedis potissimum pertinere cognoscitur ; ideo Pius rv Pontifex Maximus pro sua in omnes Ecclesiæ partes incredibili vigilantia, lectissimis aliquot sanctæ romanæ Ecclesiæ Cardinalibus, aliisque tum Sacrarum litterarum, tum variarum linguarum peritissimis viris, eam provinciam demandavit, ut Vulgatam editionem latinam, adhibitis antiquissimis codicibus manuscriptorum, inspectis quoque hebraicis, græcisque bibliorum fontibus ; consultis denique veterum Patrum commentariis, accuratissime castigarent. Quod itidem institutum Pius v prosecutus est. Verum conventum illum ob varias, gravissimasque Sedi Apostolicæ occupaciones jamdudum intermissum, Sixtus v divina providentia ad summum Sacerdotium evocatus, ardentissimo studio revocavit, et opus tandem confectum typis mandari jussit. Quod cum jam esset excusum, et ut in lucem emitteretur, idem Pontifex operam daret, animadvertisens non pauca in sacra Biblia præli vitio irreipesse, que iterata diligentia indigere viderentur, totum opus sub incudem revocandum censuit atque decrevit. Id vero cum morte præventus præstare non potuisse, Gregorius xiv qui, post Urbani vii duodecim diem Pontificatus, Sixto successerat, ejus animi intentionem executus perficere aggressus est, amplissimis aliquot Cardinalibus, aliisque doctissimis viris ad hoc iterum deputatis. Sed eo quoque, et qui illi successit, Innocentio ix brevissimo tempore de hac luce subtractis ; tandem sub initium Pontificatus Clementis viii qui nunc Ecclesiæ universæ gubernacula tenet, opus, in quod Sixtus v intenderat, Deo bene juvante perfectum est.

Accipe igitur, christiane lector, eodem Clemente Summo Pontifice annuente, ex Vaticana typographia veterem ac Vulgatam sacrae Scripturæ editionem, quanta fieri potuit diligenter castigatam : quam quidem sicut omnibus numeris absolutam, pro humana imbecillitate affirmare difficile est, ita ceteris omnibus, quæ ad hanc usque diem prodierunt, emendationem, purioremque esse, minime dubitandum. Et vero quamvis in hac Bibliorum recognitione in codicibus manuscriptorum, hebraicis, græcisque fontibus, et ipsis veterum Patrum commentariis conferendis non mediocre studium adhibitum fuerit ; in hac tamen pervulgata lectione sicut nonnulla consulta mutata, ita etiam alia, quæ mutanda videbantur, consulto immutata relicta sunt ; tum quod ita faciendum esse ad offensionem populorum vitandam sanctus Hieronymus non semel admonuit : tum quod facile fieri posse credendum est, ut majores nostri, qui ex hebraicis, et græcis latina fecerunt, copiam meliorum, et emendatorum librorum habuerint, quam ii, qui post illorum ætatem ad nos pervenerunt, qui fortasse tam longo tempore identidem describendo minus puri, atque integræ evaserunt ; tum denique quia sacrae Congregationi amplissimorum Cardinalium, aliisque eruditissimis viris ad hoc opus a Sede Apostolica delectis propositionum non fuit, novam aliquam editionem cudere, vel antiquum interpretem ulla ex parte corrigerem, vel emendare ;

sed ipsam veterem, ac Vulgatam editionem latinam a mendis veterum librariorum, necnon pravarum emendationum erroribus repurgatam, suæ pristinæ integritati, ac puritati, quoad ejus fieri potuit, restituere ; eaque restituta, ut quam emendatissime imprimeretur juxta Concilii cœcumenici Decretum pro viribus operam dare.

Porro in hac editione nihil non canonicum, nihil ascitium, nihil extraneum apponere visum est : atque ea causa fuit, cur liber tertius et quartus Esdræ inscripti, quos inter canonicos libros sacra Tridentina Synodus non annumeravit, ipsa etiam Manassæ regis Oratio, que neque hebreice, neque græce quidem exstat, neque in manuscriptis antiquioribus invenitur, neque pars est ullius canonici libri, extra canonicae Scripturæ seriem posita sint : et nullæ ad marginem concordantiae (que posthac inibi apponi non prohibentur), nullæ notæ, nullæ variaæ lectiones, nullæ denique præfationes, nulla argumenta ad librorum initia conspiciuntur.

Sed sicut Apostolica Sedes industriam eorum non damnat, qui concordantias locorum, varias lectiones, præfationes sancti Hieronymi, et alia id genus in aliis editionibus inseruerunt ; ita quoque non prohibet, quin alio genere caracteris in hac ipsa Vaticana editione ejusmodi adjumenta pro studiosorum commoditate, atque utilitate in posterum adjiciantur ; ita tamen, ut lectiones variæ ad marginem ipsius textus minime annotentur.

## LIBER GENESIS

**1** In principio creavit Deus cælum et terram. **2** Terra autem erat inanis et vacua, et tenebræ erant super faciem abyssi : et spiritus Dei ferebatur super aquas. **3** Dixitque Deus : Fiat lux. Et facta est lux. **4** Et vidit Deus lucem quod esset bona : et divisit lucem a tenebris. **5** Appellavitque lucem Diem, et tenebras Noctem : factumque est vespera et mane, dies unus. **6** Dixit quoque Deus : Fiat firmamentum in medio aquarum : et dividat aquas ab aquis. **7** Et fecit Deus firmamentum, divisitque aquas, que erant sub firmamento, ab his, quæ erant super firmamentum. Et factum est ita. **8** Vocavitque Deus firmamentum, Cælum : et factum est vespera et mane, dies secundus. **9** Dixit vero Deus : Congregentur aquæ, quæ sub celo sunt, in locum unum : et appareat arida. Et factum est ita. **10** Et vocavit Deus aridam Terram, congregationesque aquarum appellavit Maria. Et vidit Deus quod esset bonum. **11** Et ait : Germinet terra herbam virentem, et facientem semen, et lignum pomiferum faciens fructum juxta genus suum, cuius semen in semetipsa sit super terram. Et factum est ita. **12** Et protulit terra herbam virentem, et facientem semen juxta genus suum, lignumque faciens fructum, et habens unumquodque semen secundum speciem suam. Et vidit Deus quod esset bonum. **13** Et factum est vespera et mane, dies tertius. **14** Dixit autem Deus : Fiant luminaria in firmamento cæli, et dividant diem ac noctem, et sint in signa et tempora, et dies et annos : **15** ut luceant in firmamento cæli, et illuminent terram. Et factum est ita. **16** Fecitque Deus duo luminaria magna : lumina majus, ut præcesset diei : et lumina minus, ut præcesset nocti : et stellas. **17** Et posuit eas in firmamento cæli, ut lucerent super terram, **18** et præcessent diei ac nocti, et dividerent lucem ac tenebras. Et vidit Deus quod esset bonum. **19** Et factum est vespera et mane, dies quartus. **20** Dixit etiam Deus : Producat aquæ reptile animæ viventis, et volatile super terram sub firmamento cæli. **21** Creativique Deus cete grandia, et omnem animam viventem atque motabilem, quam produxerant aquæ in species suas, et omne volatile secundum genus suum. Et vidit Deus quod esset bonum. **22** Benedixitque eis, dicens : Crescite, et multiplicamini, et replete aquas maris : avesque multiplicantur super terram. **23** Et factum est vespera et mane, dies quintus. **24** Dixit quoque Deus : Producat terra animam viventem in genere suo, jumenta, et reptilia, et bestias terræ secundum species suas. Factumque est ita. **25** Et fecit Deus bestias terræ juxta species suas, et jumenta, et omne reptile terræ in genere suo.

Et vidit Deus quod esset bonum, **26** et ait : Faciamus hominem ad imaginem et similititudinem nostram : et præsit piscibus maris, et volatilebus cæli, et bestiis, universaque terræ, omnique reptili, quod movetur in terra. **27** Et crevit Deus hominem ad imaginem suam : ad imaginem Dei creavit illum, masculum et feminam creavit eos. **28** Benedixitque illis Deus, et ait : Crescite et multiplicamini, et replete terram, et subjicite eam, et dominamini piscibus maris, et volatilebus cæli, et universis animantibus, quæ moventur super terram. **29** Dixitque Deus : Ecce dedi vobis omnem herbam afferentem semen super terram, et universa ligna quæ habent in semetipsis semen generis sui, ut sint vobis in escam : **30** et cunctis animantibus terræ, omnique volucri cæli, et universis quæ moventur in terra, et in quibus est anima vivens, ut habeant ad vescendum. Et factum est ita. **31** Vidi-

que Deus cuncta quæ fecerat, et erant valde bona. Et factum est vespera et mane, dies sextus.

**2** Igitur perfecti sunt cæli et terra, et omnis ornatus eorum. **2** Complevitque Deus die septimo opus suum quod fecerat : et requievit die septimo ab universo opere quod partraratur. **3** Et benedixit diei septimo, et sanctificavit illum, quia in ipso cessaverat ab omni opere suo quod creavit Deus ut faceret.

**4** Ista sunt generationes cæli et terræ, quando creata sunt, in die quo fecit Dominus Deus cælum et terram, **5** et omne virgultum agri antequam oriretur in terra, omnemque herbam regionis priusquam germinaret : non enim pluerat Dominus Deus super terram, et homo non erat qui operaretur terram : **6** sed fons ascendebat e terra, irrigans universam superficiem terre. **7** Formavit igitur Dominus Deus hominem de limo terra, et inspiravit in faciem ejus spiraculum vitae, et factus est homo in animam viventem. **8** Plantaverat autem Dominus Deus paradisum voluntatis a principio, in quo posuit hominem quem formaverat. **9** Produxitque Dominus Deus de humo omne lignum pulchrum visu, et ad vescendum suave lignum etiam vitæ in medio paradisi, lignumque scientia boni et mali. **10** Et fluvius egrediebatur de loco voluntatis ad irrigandum paradisum, qui inde dividitur in quatuor capita. **11** Nomen uni Phison : ipse est qui circuit omnen terram Hevilath, ubi nascitur aurum : **12** et aurum terræ illius optimum est ; ibi invenitur bædellium, et lapis onychinus. **13** Et nomen fluvii secundi Gehon ; ipse est qui circumcit omnem terram Æthiopæ. **14** Nomen vero fluminis tertii, Tigris : ipse vadit contra Assyrios. Fluvius autem quartus, ipse est Euphrates. **15** Tulit ergo Dominus Deus hominem, et posuit eum in paradiso voluntatis, ut operaretur, et custodiret illum : **16** præcepitque ei, dicens : Ex omni ligno paradisi comedere ; **17** de ligno autem scientia boni et mali ne comedas : in quocumque enim die comederis ex eo, morte morieris. **18** Dixit quoque Dominus Deus : Non est bonum esse hominem solum : faciamus ei adjutorium simile sibi. **19** Formatis igitur Dominus Deus de humo cunctis animantibus terra, et universis volatilebus cæli, adduxit ea ad Adam, ut videret quid vocaret ea : omne enim quod vocavit Adam animæ viventis, ipsum est nomen ejus. **20** Appellavitque Adam nominibus suis cuncta animantia, et universa volatile cæli, et omnes bestias terræ : Adæ vero non inveniebat adjutor similis ejus. **21** Immisit ergo Dominus Deus soporem in Adam : cumque obdormisset, tulit unam de costis ejus, et replevit carnem pro ea. **22** Et ædificavit Dominus Deus costam, quam tulerat de Adam, in mulierem : et adduxit eam ad Adam. **23** Dixitque Adam : Hoc nunc os ex ossibus meis, et caro de carne mea : hæc vocabitur Virago, quoniā de viro sumpta est. **24** Quam ob rem relinquet homo patrem suum, et matrem, et adhaerabit uxori sua : et erunt duo in carne una. **25** Erat autem uterque nudus, Adam scilicet et uxor ejus : et non erubescabant.

**3** Sed et serpens erat callidior cunctis animantibus terræ quæ fecerat Dominus Deus. Qui dixit ad mulierem : Cur præcepit vobis Deus ut non comedeteris de omni ligno paradisi ? **2** Cui respondit mulier : De fructu lignorum, quæ sunt in paradiso, vescimur. **3** De fructu vero ligni quod est in paradiso, præcepit nobis Deus ne comedemeremus, et ne tangeremus illud, ne forte moriamur. **4** Dixit autem serpens ad mulierem : Nequaquam morte moriemini. **5** Scit enim Deus quod in quoquam die comedederis ex eo, aperientur oculi vestri, et eritis sicut dī, scientes bonum et malum. **6** Vi-